

antiquarische Bibliothek

~~5. 11. 21~~ EX BIBLIOTH.
NATIONIS HUNGAR.
VITEBERG.
M-54.
SIGNAT. 1515CCCXIII.

III
3. R.



R) 529

Vom Heiligen Ehe-
standt eine kurze Predigt.

Johannis Gigantis.

Johannes Stigelius/

Coniugium humanæ quædam est Academia uitæ
In qua nemo satis se didicisse putet.

7

Francckfurt an der Oder.
ANNO, D, LXII.

H

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.



431

Vom heiligen Ehstandt/wie der selbe
anzufahen/ vnd wie Ehleute in diesem
orden sich verhalten sollen/ das Chris-
tliche einigkeit erfolge.



Son lob des heiligen Eh-
standts/ Item wer inen gestiftet
vnd warumb er eingesetzt ist/ lieben
Christen/ höret ihr zur andernzeit/
fromen Ehleuten zu trost/wieder die
elenden vormessene vnd vorgessene
leudt die diesen orden für vnrein vnd vnheilig auf-
schreyen vnd aus schreiben/ welcher lehr S. Paulus
billich nennet doctrinam daemoniorum. 1. Timoth 4.

Itzunder wollen wir in Gottes namen anzeigen/
wie dieser Standt anzufahen sey/ vnd wie ehleute da-
rinnen leben sollen das Christliche einigkeit erhalten
werde/ Von diesen Zweyen stücken wollen wir auff
diss stündtlein handeln/ vnd das solchs fruchtbar-
lich geschehe/ vorley vns vnser lieber Gott vnd Va-
ter seine genade vmb Ihesu Christi willen durch
Krafft des Heiligen Geistes etc.

Wie ist ein selige Ehe anzufahen?

Dieweil dieser standt ist ein vnzutrenliche gesel-
schafft Zweyer Personen/ eines Mannes vnd
eines Weibes/ welche nichts denn der todt
oder vberwiesener ehbruch scheiden sol/ Matth. 5 vnd
24 19. Cap:

19 Cap: vnd der Satan diesem orden/ die weil er vom
Gott ist/ spinnen feind ist/ vnd Ehlenten auff allen
seiten hefftig zusetzt/ ist hochnötig das man ihn in
rechter Gottes fürcht anfahet/ wie Isaac/ Rebecca/
Jacob vnd Rachel etc. gethan haben/ derwegen so du
die gaben nicht hast ausserhalb der ehe mit guten
gewissen zu leben/ vnd gedenckest in diesen orden zu
treten/ auff das dein geheet nicht verhindert werde/
vnd da durch vnzucht nicht vber dich vnd andere
Leute Gottes zorn vñ straff fürest Coloss. 3. So rech-
ne nicht lange/ wele nicht lange/ dan hierinne wirdt
vnser Arithmetica offft falsch/ vñ feilet vns mit vnsern
gedancken offft vmb ein grossen bawrenschrit/ vnd
kômpt offft nach langer wehl/ wie das sprichwort
lautet/ spott vnd quehl/ wie es auch Keyser Sig-
mundi alten Diener wiederfur/ mit der bleyen büch-
sen/ darumb fahet für allen dingen diesen standt an
mit ernstem gebet/ dann gelt vnd guth kanstu von
Eltern bekommen/ aber ein from Ehenos ist Gottes
gabe/ Prouerb. 19.

II.

Platze nicht bald zu aus toller liebe/ denn geh-
liche sprünge geratten selten wol/ Ersüche deine liebe
Eltern vnd freunde vmb rath/ wie Syrach treuliche
warnung thut Cap. 33. Thu nichts/ spricht er/ ohne
rath/ das dichs nicht gerewe noch der tadt/ denn
gleich wie Eltern mit ihren Kindern nicht tyrannisch
handeln sollen/ sie zwingen vnd dringen zu denen sie
weder lust noch liebe haben (denn mit vnwilligē hun-
den ist böse jagen/ sagt der Poët) also sollen auch die
Kinder

Kinder mit coplerischen heimlichen vorlöbniſſen ihre Eltern/von welchen ſie mit mühe vnd arbeit aus dem ſtaube erzogen ſindt/ nicht betrüben/ ſonſt ſündigen ſie wider Gottes gebot/ wieder die einſetzung des Eheſtandes/vnd wieder das geſetz der natur/etc. Vnd folget auch gemeiniglich ſolchen diebiſchen menſchlichen vorbündniſſen oder heiraten/ Kratzen im nacken/zanck/trübsal vnd elend/denn Gott helt vber ſeiner ordnung/vnd iſt nicht recht noch Chriſtlich/ das etliche frech reden/Consensus parentum ſey alleine de honeſtate, nicht de neceſſitate, &c.

III.

Hüte dich für blutſchulden/ lies fleißig Cap. 18 Leuitici, darnach richte dich/ vnd was ſonſt hierinnen von Chriſtlicher Oberkeit wol bedacht vnd geſtelt iſt/wie dan gute naturen vnd was nicht vordriſſliche wiederborſten ſindt / guten nützlichen ordnungen vnd geſetzen ſich gern vnd willig vntergeben / was aber die gefattern vnd paten belangt / welchen der Papſt die ehe vorbent/ iſt Kindiſch dinck vnd narnwerck &c.

IIII.

Sihe dich vmb nach Kindern die in Gottes ſoꝛcht/zur zucht/ erbarkeit vnd arbeit erzogen ſindt/ vñ die redliche ehrliche Eltern habē/denn der Apffel gemeiniglich nicht weit vom ſtamme felt/ vnd offft Kinder zalen müſſen/ was Gottloſe Eltern auffgeborget vnd vorwircket haben etc. Freyhe nicht fürnemlich nach gelt oder gut/wie es itzundt gemeine iſt/ Es heiſt

A ij Sat. doz



Sat dotata venit quæ sine labe venit. Freyet im doch der
Sohn Gottes selbst ein armes meidlein/ schmücket
vnd zieret es mit seinen Kleidern vnd Kleinodien
Psaln 45. Esaia 61.

V.

Freye die deiner religion findt/dann obs wol war
ist/das die/ so vngleiches Glaubens findt/ im Ehe
standt beyinander wonen können. I Cor. 7. Idoch ist
ein grosser eckel vnd ist vnfreundtlich/ auch gefehr
lich/ derwegen es den Jüden hart verboten wahr
sich mit den Weiden zu vorheiraten. Deut: 7. &c.

VI.

Wenn man sich in diesen orden begeben will/sol
len beyde Gesellen vnd Jungfraw etwas redlichs ge
lernet haben / auff das eines dem andern in diesem
muheseligen stande getrewe hülffe leisten müge / sol
len auch ihre rechte Thare erreicht haben/das sie be
trachtē können was der Ehestandt sey/ den dis sprich
wort am ende offt feilet / Frühe auffstehen vnd frü
freyen/ sol niemant gerewen/wie auch die Weiden
hienon wol vnd bedechtig geschrieben haben &c.

VII.

Man sol auch in warheit freyen/ es sol eines das
ander nicht berücken noch betriegen / mit grossen
pralen vnd vielen verheissen/ so doch nichts oder we
nig vorhanden ist/wie ein sprichwort ist. Alle gefan
gene arm / alle Kauffleute vnd freyer reich / daher
den

35

denn nachmals schel sehen vnd offte grosser Zancck
vnd widerwillen erfolget/ &c.

Wie sollen sich Eheleute vorhalten?

Derweil dieser Standt Gottes standt vnd vol-
ler geheimniss ist Osee 2. Ephes. 5. vnd das heis-
lige Creutz hie nicht aussen bleibt I. Cor. 7. vnd
das alte Liedlein heist/ hastu mich genomen so mustu
mich haben etc. Sollen beide Man vnd Weib iha
Gottfürchtig sein/ sollen embsig beten/ vnd aller wol-
fart von dem lieben Gott dieses Standes stiffter/ ge-
wertig sein/ der das haus bauet vñ reichen segen gibt
Psalm. 127. Proverb. 10. Matth. 6.

II.

Sollen sie ihres ordentlichen beruffs trewlich
aufswarten vnd beide vleissig arbeiten/ Psalm. 128.
sonderlich weil sie jung vnd starck sindt/ denn es heist/
wo die Fraw nicht ist die Magt/ der Herr der Knecht/
da stets im Danse selten recht/ darumb wird der Eh-
stand genant Coniugium, ein zusammen spannung da
Zwey zugleich zihen vnd arbeiten sollen/ dann es sehr
böhs geblüt machet/ wo eines für vnd für püffeln vnd
arbeiten sol das ander faulenzet/ verprasset vnd vor-
schwendet alles/ gleiche bürde/ spricht man/ bricht
niemandts den rücken.

III.

Wenn Gott nicht Kinder beschert/ sol eines mit
dem

dem andern derhalben nicht zürnen noch gruntzen/
wie Rachel thet/ Genes: 30. Sondern sollen alles dem
lieben Gott dem rechten Kinder geber befhelen/ vñ
Adams fall behertzigen danon Sterilitas auch ein stück
lein ist/ vnd sollen andern die sich gern redlich nehren
wolten/ helffen/etc. Gibt aber der liebe Gott erben
vnd Kinderlin/ zürne auch nicht/ wie etliche vnfleter
vnd vorgessene Leute thuen/ sondern dancke Gott
hertzlich für solche leibes frucht vnd edle gaben/ vnd
gib sie ihm wieder wie Anna ihren Samuelem Gott
gab. I. Sam: I. vnd zeuch sie auff nach S. Pauli regel/
in der Zucht vnd vormannung zu dem herrn. Ephes. 6.
vorzertele vnd vorderbe sie nicht wie der Aff gemei-
niglich seine Catulos für grosser vnd doller liebe
erdrückt/ Plinius lib. 8. Cap. 54. Fürnemlich halt sie
vleißig zum Gebeth welches viel ausrichtet vnd Got
sonderlich gefellet/ dieweil sie noch vnschuldige Lip-
pen haben. Psalm. 8. &c.

III.

Ehleute sollen in liebe vnd freundtligkeit bei-
inander wonen dieweil sie ein fleisch sindt/ Genes. 2.
Solchs gefelt Gott vnd fromen Leuten wol. Syrach
25. denn der Ehstandt soll sein ein freundtliche errin-
nerung der liebe des grossen Brutigams von Sion
Gottes Sohnes/ gegen seiner Spons der Christlichē
gemeine/ vnd sollen Ehleute nicht alleine im Jubel
Ihar sich lieb vnd werdt haben/ wenn sie noch jung
vnd gesundt sindt/ sondern auch wenn sie Alt/ kalt vñ
vngestalt werden/ wenn man sich wischen vnd was-
chen/ heben vnd legen mus/ wie auch der Eissvogel
feinen

27

seinen alten Gadtgnossen liebet vnd sein pfleget etc.
das aber Christlicher/Lieblicher vnd nützlicher friede
zwischen Ehleuten müge erhalten werden/darzu ge-
hört für allen dingen das liebe Pater noster, vnd das
das Weib stum vnd der Man bisweilen taub sey/
wie das Distichon lautet

Vxor vbi in Domino muta est surdusq; maritus
Illic sunt socij commoda vera thori.

Eines mus mit dem andern (ob wol bisweilen die
Planeten eben hart zusamen stossen) ein Christlich
vornemen vnd gedult haben/sintemahl kein Mensch
in dieser vorderbten natur gar one gebrechen ist/mus
man doch oft frembden vnflatern vnd wüßlingen
viel vorsehen vnd zu gut halten/warumb wollestu
den nicht mit deinem eigen Fleisch bisweilen gedult
haben/auff das das gebet nicht verhindert werde/
vnd der Satan nicht zu lachen bekomme/etc. Aber
es ist ein elendt ding vnd zu erbarmen das wir armen
Eux Kinder gemeiniglich Præsencia nichts oder wenig
achten/darnach müssen wir redlich zalen vnd büßen/
Mancher hat eine frome heussliche Saram / eine
freundliche Rachel/eine keusche Brasillam/eine frid-
same vnd friedfertige Monicam/aber erkennets nicht/
dancket auch Gott nicht für seine Dorotheam / wil
ihre gar nichts zu gut haltē/hernachmals aber wenn
sie aus disem Elendtsthal ist ab gefordert/ bekümpt
er einen rechten holtzbock/ eine Jobsplagerin die ime
sawre Eyer machen vnd recht auff paucken kan etc.
Also hat auch manches Weib einen gutten arbeitsamē
Albertum/einen fromen Joseph/einen guten hauss-
halter vnd rückenhalter/ aber sie erkennets vnd be-
bedenets

B

bedenets

bedenkts nicht/ viel weniger dancket sie Gott/ dar-
nach bekümpft sie einen rechten Capricornum vñnd
Saturnum einen waldefel/der schlemmet vñ pancke-
tirt/ vñnd der ihr recht die Flöhe abkeret vñnd Kalck
in die Kürschen gibt/ &c.

V.

Ehleute sollen iha iren gethanen eydt bedencken/
das eines am andern nicht treulos vñnd eidtbrüchig
werde/ dieweil sie beide ein Fleisch sindt/ vñnd keines
seines Leibes mechtig ist/ Gen: 2. I. Cor: 7. vñnd das
also das Ehet vnbesleckt bleibe/ sol Ehleute nicht
alleine bewegen Gottes ernste dreyung vñnd ewige
straff/ I. Cor. 6. Gal: 5. sondern auch zeitlich jamer
vñnd elendt so Ebruch folget/ wie solchs in Disto-
rien zu sehen ist vñnd die erfahrung aus weist.

Dis sindt meines erachtens/ die fürnemisten Pun-
cten/ wie Ehleute seliglich beinander wonen vñnd
leben sollen etc. Dieweil aber der Man des Weibes
heupt ist Ephes: 5. soll er seines Ehgemals/ seiner
Kinder vñnd des gesindes getrewer pfleger/ vorsteh r
vñnd Hausuater sein/ ihnen mit Lehr vñnd leben für-
gehen/ vñnd dieweil das Weib aus des Mannes liebe
erbawet ist/ sol der Man sein Weib als sein eigen
Fleisch lieben/ iha wie Christus vns geliebet hat/
Ephes: 5. Er sol sie nicht für ein fußhader/ sondern
als seine liebe Theodoram in allen Ehren halten/ Er
sol nicht ein wüterich oder von Lewenburg sein/ Sy-
rach 4. sondern dem Weibe als dem schwachen Wer-
ckzeug etwas zu gut halten I. Pet. 3. wie Abraham mit
vera

979

vernunfft vnd bescheidenheit bey seiner Saren lebte
Genesis 16 vnd 21 Capitel. Du bist darumb nicht
baldt Doctor Simon ob du gleich bisweilen deinem
fromen vorstendigen Weibe folgest / jedoch sol ein
Man nicht ein Memme sein vnd sich schleyern lassen/
sondern sich gegen seinem Weibe / den Kindern vnd
gesinde dermassen erzeigen das man eine Christliche
schewe für ihm habe. Dargegen steht auch einem
fromen Eheweibe sonderlich zu das sie ihren Manne
in allem das nicht wieder Gott vnd sein Wort ist/
willig gehorsame / vnd inen für ihren Herren erken-
ne / liebe vnd ehre / Genesis. 3. vnd I. Corin. 11. Da-
rumb auch ihr Neupt bedeckt ist / I. Corin. 9. Vnd
wenn das beylager geschehen / nach ihres Mannes
zu namen genennet wirdt / sie sol nicht eine Herrsche-
rin sein / vnd dem Manne zun Neupten wachsen
vnd nachm Scepter greiffen / sol nicht von der Kiesel/
sondern von linderode vnd von sensstenberg sein / 1.
Pet. 3. Sol nicht quöfen vnd schlampampen vnd
immer vbers butterfestein vnd zur würtzbuchsen
lauffen / sondern arbeitsam vnd sparsam sein / sol sich
in ihrer Dütten finden lassen wie Sara / Genesis. 18.
Darumb ein Weib eine haussehr vnd hauszühr ge-
ment wirdt / Sonderlich sol das Weib züchtig sein /
in worten vnd geberden / sol mass halten in essen /
trincken Kleidung etc. sol nicht für vnd für fürn
Spiegel stehen / sich schmieren / schmücken vnd
schmüncken / denn es heist: Ornata vberius foemina raro
proba est. Wo nu also eine Ehe wol geredt / wie zwischē
Isaac vnd Rebecca / Jacob vnd Rachel / Zacharias
vnd Elizabeth / das ist ein feines bildt vnd liebliche

B ij erimez

erinnerung der liebe Christi/des grossen Breutgams
von Sion / gegen seiner sponss der Christlichen ge-
meine. Ephes: 5. da ist rechte liebe / ware trewe / ge-
duld / schutz / gemeinschafft aller güter / da ist ein
bette / ein becher / ein beutel / da kan man mit gutem
gewissen Gott durch Christum anruffen / da ist der
reiche segen vnd regen Gottes an Seel / Leib / ehr
vnd gut / Psalm: 128. Prouerb. 18. vnd 31. Syrach
26. Capitel. Da ist der friede vnd freude / da hastu
in deinem hause proprium pacificale, du hast ein guten
arzt / ein guten Radgeber / In Summa / du hast
ein guten freundt vnd gehülffen. Aber dagegen
wens vbel geredt vnd der störfried einsetzt vnd re-
girt zwischen Ehleuten / vnd du must Martialis
Liedlin singen / Non possum tecum viuere, nec sine te;
do ist die rechte Marterwochen vnd Purgatorius ignis,
da geht alles den Krebsgan / alles zurinnet vnd zur-
steubt / da ist das heimlich Fieber welches kein phy-
sicus vortreiben kan etc. Derwegen sollen alle Eh-
leute dem Christlichen friede mit allem vleis
nachiagen / vnd wehe dem teil das in
diesen stande zu vnfride vnd
zwietracht vrsach
gibt / &c.

Wir

541

Beschluß.

Wir wollen Gott herzlich dancken der
vns diesen standt verordnet hat / vnd
darüber helt wieder des Satans / vnd aller
Tyrannen vnd Kezer wüten vnd toben / Hö-
nerrey vnd heycheley / auff das das Mensch-
liche geschlecht ordentlich zu Gottes ehr vnd
preis Propagirt / der Sünden vnzucht ge-
weret werde / vñ das ein Ehgemal am andern
in diesem exilio vnd Lazareth / ein getrewen
freundt vnd gehülffen habe / Iha das frome
Ehleute in diesem Stande für vnd für sich
zuerinnern vnd zu trösten haben / der vnauß-
sprechlichen liebe Christi die er gegen seiner
Brautt der Christenheit tregt / die er
mit rechten Braut vnd Priester Klei-
dern schmücket vñ zieret / Psalm:
45. vnd Esaia 61 / Ja die er
veterlich erhöret / erretet
tet / schüzet trö-
stet etc. 01

sex 2.

B iij

Unser

Gebet.

Inser lieber Gott vnd Vater wolle vns
mit seinem heiligen Geiste regieren / das
wir alle vnzucht meiden / auff das wir nicht
mit sicherheit / waensin / blindtheit vnd andern
straffen mügen geschlagen werden / Rom. 1.
Ephes: 5. Colos: 3. etc. vnd des rechten er-
kentnis vnd freundtlichen anlicks Gottes
nicht hier vnd hernach ewiglich müssen be-
raubt sein Matth. 5. Heb: 12. zum andern so
es die ihare erfordern / das wir als denn diesen
standt vnd orden in Gottes furcht mit radt
vnd willen vnserer Eltern vnd freunde an-
sehen / vnd letztlich wenn wir in Gottes Na-
men in diesen standt getreten / das wir ih
nicht vrsach geben zu zwietracht vnd ergernis-
sen / sondern in Liebe vnd trewe beyinander le-
ben / das rechte Hochzeitliche Kleidt bewarē /
vnd in warem Glauben vnd mit gutem
gewissen eines seligen Simeons
ständleins gewarten /
Amen.

Gepredigt zur Freystadt 18
Januarij 62.

Osee. 2.

Ich will mich mit dir verloben in
Gewickelt / Ich will mich mit dir
vertrauen in gerechtigkeit vnd ges
richt / in gnade vnd barmherzigkeit /
Ja im Glauben will ich mich mit dir
verloben / vnd du wirst den Herrn
erkennen etc.

in indolens die in die...
die in die...
die in die...
die in die...
die in die...
die in die...
die in die...
die in die...
die in die...
die in die...



lung VI 54

ULB Halle


3

003 896 110



56a





12) 29

Vom Heiligen Ehe

standt eine kurze Predigt.

Jahannis Gigantis.

Johannes Stigelius/

Coniugium humanæ quædam est Academia uitæ
In qua nemo satis se didicisse putet.

Frankfurt an der Oder.
ANNO, D, LXII.

7

11